

Reorganizacija djelovanja OHR-a u Srednjobosanskom kantonu

Visoki predstavnik, Wolfgang Petritsch, preispitao je i restrukturirao ulogu OHR-a u Srednjobosanskom kantonu (Kanton 6). Visoki predstavnik je imenovao posebnog izaslanika za Bugojno, Gornji Vakuf-Uskoplje i Prozor-Ramu, Ulricha Buchera, na mjesto šefa jedinstvenog ureda OHR-a za Srednjobosanski kanton, sa sjedištem u Travniku.

Misija posebnog izaslanika za Bugojno, Gornji Vakuf-Uskoplje i Prozor-Ramu je okončana, te se ured i mjesto posebnog izaslanika za Bugojno ukida. Operativna struktura OHR-RRTF-a u Travniku se pojačava timom bivšeg posebnog izaslanika, čije je novo sjedište u Travniku. Ured posebnog izaslanika u Bugojnu će biti zatvoren do kraja ove godine.

Gosp. Bucher će na novoj poziciji biti odgovoran za sveukupne operacije ureda OHR-a u Travniku i djelovat će kao koordinator napora međunarodne zajednice u Kantonu 6 na praćenju provedbe Daytonskog mirovnog sporazuma i odluka Visokog predstavnika.

Ova inicijativa je praktičan korak ka reorganizaciji međunarodnih operacija na lokalnom nivou. Ona odražava namjere jačanja partnerstva između međunarodne zajednice i lokalnih organa na svim nivoima, što Visoki predstavnik promovira u kontekstu sveukupne reorganizacije djelovanja međunarodne zajednice u BiH.